

太上洞神五星讚

張 平 子 撰 淵二

東方歲星一名木星一名暝咄斯屬東方主齊吳

東方歲星實曰木精蒼帝之子大而能明所

在為福莫之與京人君至德道義常行則風

雨時若百穀熟成君壽而昌人富而貞中國

安樂四夷來庭君政殘暴失仁和之誠則芒

角而怒宇內交爭拒諫信讒違恭肅之程則

禍滿寰瀛下陵其上弟誅其兄亦黃多風多

早白黑為水為兵與金合而大將殞被月掩

而妃后傾入太微君憂有敵在東井秦地安

寧守與鬼國用斧鎖繞虛危齊地災生居房

君臣咸樂留心禾黍豐盈守角忠賢薦用留

尾社稷歡榮歷氏內多有喜經亢韓鄭出征

入箕宮中口舌經斗吳越和平乘虛昭穆失

次犯女宮掖歡情守牛饑凍虎宮繞危祠祀

不馨犯室陰陽皆速守壁堯舜同聲入奎有

道者用經妻致命者行守胃人多饑疾在昂

王者嚴刑逆行為災為賊晝見主柔臣橫犯

畢守妻災及人牛乘臂入井獄訴兵愁繞天

屍者過半犯柳五穀繁稠留張君臣和悅入

翼穀損人流繞軫野有喪病犯房將相皆憂

助哉有土君子慎獨綏撫惇嫠增修景福神

理祐善懲惡室慾敬奉三光克修求穀木星

所到分野順行色青為福為慶如官益祿逆

行色變為災與土同到人生宿亦如之其權

法宜栽種五菓樹木又宜懸青幡著青衣則

吉

南方熒惑星一名火星一名雲漢一名罰星

屬南方楚越

南方之精亦曰罰星赤帝之子主察視明每

年十月十一月入太微宮而受制過有道之

野不停伺無道之國出入何常勾犯為禍環

繞為殃出則兵動入則兵戢周旋止息為病

為喪由人君之慢易俾臣下之災傷或進或

退大小無常為水為旱豐儉迭興每晨見而

行疾及昏出而漸昇出處失度乍存乍亡有

怒有勃或角或芒入太微魏文侯殂落犯紫

微野死之王守天江河津泛溢在胃宿天下

空倉透羽林禁兵必起留張宿歲美人廉入

南斗災及宰相犯東井水火之祥守少微處

士被厄繞天園萬姓饑荒環鬼兵喪並起入

昂胡虜潛藏居心星王者惡之陵軒棘妃后

憂惶犯室米貴十倍乘危兵起南鄉在尾人

臣不順入角將軍誅傷勾亢澤沒城邑犯鬼

死者相望留奎父不親子犯駟臣叛於王凌

空國君自出守畢邊有兵降入壁賢士不顯

留參兵連四方抵女布帛湧貴守牛六畜屍

僵勾柳饑旱失地犯角兵起蕭牆入軫人皆

從役犯妻出兵為彊逆行于斗環繞於房股

肱出走父子分張經天海內鼎沸留箕人食

糟糠有土之君子何不滅克已復禮其後必

昌君父居上宜修景福為臣為子如臨泉谷

妖禍自滅永終天極

火星臨分野土地多為火災瘡腫口舌移改

及下人謀上驚恐之厄到人本命令人心狂

熱疾慎弓箭刀杖損傷見血之厄妖怪言語

其獲法以緋衣囊受符宜施赤小豆與貧人

宜懸緋幡宜造燈火功德宜轉金簡玉訣之

經點星燈施觀家土則吉

中央鎮星一名地侯一名雞換主周梁

爰有鎮星中央土精黃帝之子地侯別名所

在之國不可加兵其分無災五穀熟成人君

昌樂由君之貞君若內無仁義外猶華飾其

星失度為妖為慝上亂下爭東西叛逆上天

降災為雹為霖山崩地坼鬼哭哀吟與木相

犯妃后殞傾與水相合軍敗連管抵角後官

有喜入元萬物無成犯房兵起地動歷氏儲

副歡榮守心聖主有德在尾盜賊公行繞箕

水災人散入斗登位無爭環牛賊臣謀主犯

女暴貴縱橫乘虛風寒未貴入兌公役災生

犯室廣修官殿繞壁道術彰明乘奎女貴水

湧守妻奸詐臣生勾胃水饑兵亂勾昂將出

西征犯畢公侯受廢乘背邑破人驚環參大

臣出使入井炎早災并在鬼臣佐異謀犯柳

天下和平留星萬方皆理居張五穀不停入

軫殺傷兵起守翼雲宇廓清掩鉞大臣誅戮

犯法將相憂烹元厥在位知幾知微克勤奉

法敬天之威福延胤祚邦家之基

土星鐵身所到宿分不修德此其地災殃若

官宿閏連災乃十年或乃諸侯死喪百姓饑

儉不順國命則與攻戰之災土主不修令德

則水旱不調蟲傷殺麥修福則加官益祿到

人本命生宿則為大災或父母喪亡或兄弟

離折失官落職發舊口舌令人孤栖其所穰

法宜轉金簡玉經著皂衣服宜乘駟馬燒安

息香施魚鱉食設水府醮造功德則吉

西方太白星一名金星一名長庚一名那頡

主西蕃胡人也

太白之星少陰之精白帝之子亦曰長庚所

主者義其大而明將軍之象誅罰為名怒則

芒救叱吒喜則斂角潛形過火凶喪相次合

水遠通加兵犯角天下兵戰入元水賊並生

守或將軍受封居心蟲火縱橫在房土功干

國犯尾失政人爭守箕風早有赦入斗災禍

難平環牛地炁發泄抵女府庫皆傾乘危將

軍解甲犯室武士休征入奎川源泛溢守壁

國用嚴刑乘妻白衣有會入胃守內安寧犯

昂胡兵大起守畢有赦兵行乘背參野有易

政歷井鬼臣將憂并入柳元戎益封留星戰

死連營勾翼軫諸侯大振師旅入軒轅人主

建旆懸旌守天田人受爵祿當午地戎虜肆

意崢嶸失舍邪亡軍破不見殺將屠城或山

崩四面執役侵貴君柔臣強兵鋒轉戰手執

台權杖祥屢見臣節見虧主心邪變嗚呼有

土之君股肱之臣不借不濫敬天畏神道以

理國德以臣身福留後嗣化及人民

金星太白大將軍主義主伐主兵革八年一

周天所臨宿分多兵革焉臨人本命宿則好

邪行音樂也所穰之法宜講武教旗吉

北方辰星一名水星一名喙屬北方主燕趙

北方辰星亦曰水精黑帝之子偏將之形所

主者聽伺察君臣之情所在之位憂而不寧

君若審其法度明其教令遠其讒邪親其忠

正無縱慾逸邦家之慶君若不理城闕不任

賢臣縱捨由已昵比小人上天垂象災及其

隣五穀不稔風雨不均陰陽錯亂饑寒荐臻

與金合而干戈動被土犯而元戎尼觀芒角

而知大小災祥審伏見察君臣譴謫暴水漲

而色青大喪發而虛白其順也春晨而秋夕

其為也冬溫而夏寒逼太陽而掩映接少陰

而交歡守角刑速而水災留亢米穀騰湧在

心天下太平守房奸臣謀動居尾江海橫流

入箕大人憂懼犯虛宿萬里赤地來斗牛百

川決壅凌女布帛倍貴守危亂臣繼纏入奎

臣下被囚守胃兵水人愁繞畢邊兵驚速在

昂執政刑流勾鬻兵災為孽入井水土相離

乘參入鬼水災兵起疾疫多憂留柳星貴臣

得罪守軫翼宗廟宜修逼太微群臣相害守

軒轅后族多仇入壁朝廷咸懼犯氏獄訴稽

留居張貴臣專國犯室后黨被收守婁水敗

萬物在建相譖難休緬惟有土敬慎其儀兢

兢慄慄居安苦危勤修令德福履綏之

水星樞相也主天王祕要改受侯伯爵祿之

事一年一周天所到分野多主水災兵起妖

言或人令心不定好食辛酸所權之法宜某

城池開渠引水則吉

太上洞神五星讚

道德篇章玄頌序

淵三

按此篇序係漢晉唐宋元明各代真經家所撰

伏聞溥朴之性本乎自然機智之源生于習

作乃知結繩開化可行於太古之時滌素興

悲漸變於中和之氣既揚文字乃別賢愚干

戈起堯舜之前尚循正道弔伐見湯武之際

竟薄真風其後磐石分封剪桐錫寵臣君有

志求霸潛功閑思周室之衰始自河陽之狩

晉文為踐土之盟天王赴會春秋之曰狩于河陽用室微因有得士失

士之論昌國亡國之談皆運巧心竟推辯舌

受黃金而不媿取白璧以非難蘇秦則佩印

以榮家張祿則強邦而刷耻不韋立跡於顯

位李斯休歎於寒門一時之遊說達人萬倍

之貴榮入手殊不知損傷顛氣馳逐浮雲初

遊崇盛之鄉終入危亡之域及已獲走鹿別

有飛龍秦祚告終駕海之橋隳碧浪漢皇啓

運斬蛇之劍倚青天綿絕既興文物斯感東

西南北見車書而混同動植飛沉感生成而

優疎錄是鏡清八海塵靜九州詐偽之說不

行真厚之風復振乃有楊子雲東方朔原

素安並星辰鍾秀蘭葩馳芳淫於典墳踐其

進取蓋洞知前事別固後圖是知蘇秦佩印

以榮家不如楊子雲執戟而仕漢張祿強邦

而刷耻不如東方朔割肉以韜名不韋顯位

爰躋不如郝原常辭於厚祿李斯寒門休歎

不如素安靜守於衡茅匪生虛妄之心但賦

窮通之分用之則如珠還浦自有輝華捨之

則似玉藏山孰知溫潤進退得理道遙固躬

稟玄元上善之言師大易隨時之義無與躁

競有近沖和遐想四賢流芳千古但念燕臺

罷職渭水謀居自揣鄙愚敢言述作直以仰

窺

聖旨方扇真風弘四善以靜寔匡用三寶而

撫黎庶咸歸朴素盡去浮華因敢強味道經

輒編巴唱隨其篇目詠其指歸或一句以分

吟或全章而紀事雖非騷雅但慕玄虛唯剖

丹心上塵洞鑿